

四明叢書

張宗祥



皇極經世

釋義

四明張氏約園開雕

序

世謂邵子之學出道家固也要尤深於周易吾觀皇極經世殆與太玄相表裏子雲不喜稱老氏退之舉以與孟荀竝列漢世道家言已甚熾子雲過人處蓋在是然易老之旨不殊易言數三獨多老子言一生二二生三三生萬物邵子究數理悉以三爲主如曰天之體數四而用者三不用者一地之體數四而用者三不用者一無體之一以況自然不用之一以況道用之者三以況天地人也又曰一時三月一月三十日三月九十日用

數也用止於三而極於九凡此之類盡出於易合於老
蓋易數始於一其生數則二也然一二不足爲成數奇
耦相復而有定也唯三也兼奇耦而爲用其變無窮矣
乾之九坤之六奇耦顯然可見也震坎艮之七巽離兌
之八奇耦亦顯然可見也自表言之一生數二成數也
然參倚之義何居究極言之九六之數倚一二以生七
八之數參合九六以成而要於三見其用故易言數極
於九而言三者獨多其有三百三歲三年三日三接云
者仍以三爲主無非終極之義耳夫數始於一道生於

一固可知也積而爲三散而爲億萬亦可知也然舍三以求數則有不可求不必求者矣蓋三之爲數並有奇耦其用之妙奇之中有耦耦之中有奇一奇一耦而數成矣一陰一陽而易見矣故奇耦之數盡於三億萬無窮之數亦盡於三一二雖數不可以爲數唯三乃可以爲數一二之數奇耦推之可盡三以包之變化無窮故易重三數老曰三生萬物而邵子謂三爲用數三才之道盡在是易老之旨本在是然則邵子之學不獨出道家實尤深於周易不亦明乎顧其書詞旨奧衍人莫能

通曉故其傳不廣其學雖顯而眞能傳之者蓋寡有明
嘉靖閒吾鄉余南湖先生嘗爲皇極經世作注釋旣復
爲外篇作釋義頗能通數理之要而不以術恩數然亦
不侈言數理而略乎其術蓋粹然有當數理之本不失
邵子之舊誼固確如也余於數理之學恨未能通曉讀
南湖自序謂惜其學不傳閒有能道之者多彼此異同
然程子謂皇極數爲加一倍法邵子固已服其妙悟精
識其實一二相倍三兼奇耦此理要足千古南湖學於
此逾一紀攷定獨審姑取此書刊之以裨益世之通此

學者民國二十三年十月後學張壽鏞序

皇極經世觀物外篇序

觀物外篇有先生撰著之言有先生談論之言門人張
嶠之所記錄也嶠旣沒其兄岫得其遺稿以授先生之
子伯溫蓋散逸而僅存者爾其言有觀物篇之所未發
故名之曰觀物外篇數多闕誤章寡倫序張行成嘗補
其數次其章令重次之視昔逾密於乎先生之道未易
知未易能也善觀此亦或可以窺其端矣吳澄識

皇極經世觀物外篇釋義序

數之淪於術久矣逮邵子始及於理其說悉本之易先天圖精深玄微妙及天人之際惜其學不傳間有能道之者多彼此異同不能盡合蓋得其一二旁取之他書以附足其說也竟未審孰爲真傳本學於此已逾一紀深惟觀物外篇出自其門人所記疑得其真其起例祕訣雖未盡具然大要不外是矣惜紛亂無敘張文饒吳草廬雖嘗校正尙多脫誤本不揣重加考定遂條爲之解藏之巾笥以備觀覽然亦未審果能得邵子之傳否

也嘉靖改元春三月四明守愚子余本序

鄞縣志本傳

余本字子華號南湖天錫之後曾祖煙南安府同知父謙德慈孝坦易鄉稱善人本生而英卓少遊郡庠觥觥自持

張邦奇撰墓志

終日危坐讀書夜則焚膏以繼凡天文地

理鍾律象數悉研其奧於正蒙尤深妙契蚤思夜索若有神授之者嘗言人對聖賢書則心明氣定卽他玩好不能入從此攝伏身心自然有益及門之士屢滿其戶俱以余夫子稱之年三十提學楊旦試以隱僻事大加詫異謂必魁天下是年果領鄉薦正德六年殿試第二

授翰林編修

嘉靖志

充經筵官值權奸迭起文事廢不用

本具疏指斥無所忌至再上不報乃乞補近地儒學官

便祿養當道難之擢授廣東提學副使以釐俗作士爲

己任秉公力勤務必行己志見行事一不當於理卽義

形於色

墓志

敷教率先德行士敬而愛之秉性剛直

廣東通志

時潮州妖巫託廟神以惑眾遂按除之

嘉靖志

與巡按御

史毛鳳忤劾其不法數事鳳亦肆莠言以相詆誣詔各

回籍聽勘鳳以京考落職本丁父艱

墓志

居數年益授徒

講說訓迪不倦

嘉靖志

嘉靖六年起復山東提學

○案錢志作五

年耆舊傳作嘉靖改元均誤

行政不改嶺南明年秋試士之中式經

本所首選者幾半遷南京右通政牒無細大一一訊辨

務擇可否罷行之曰不爾則無以遏讒說距殄行非朝

廷設官意也八年卒年四十八本性孝娶妻未逾歲遭

母喪終其制不入私寢

墓志

從兄弟早孤以父命爲之置

室且給之田親族有急輒傾囊使持去或稱貸與之白

爲償

甬上耆舊傳

至其詩文直寫己意不崇華飾作世俗語

而典雅確實克裨世教云

墓志

補刻皇極經世觀物外篇釋義序

余南湖先生精於性理之學正蒙皇極經世律呂新書俱有註釋正蒙集解坊間梓行久矣皇極經世解予髫髻時曾手錄以藏於家壬戌冬承乏青郡見東庫壁隅書版度有百餘取而閱之乃觀物外篇釋義先生督學東省時命郡守校刻以分授諸生者也閱歲未久守者忽焉循致腐缺漫漶意欲校補而役役吏牘未遑也甲子夏懷庭秦公以秉憲至訪刻版在郡適纂郡志訖工併命補刻以成全書乃覓侍御周海莊家完本校而補

之昔程子觀皇極數以爲加一倍法邵子服其妙悟精
識欲以其學授之而辭以未暇學遂不傳先生獨於數
百年之後精思妙契會悟旁通裒輯諸家註釋纂彙成
編其師授固有所自而學者能因其書而求之則於邵
子數法之妙思過半矣嘉靖乙丑冬青州府知府四明
杜思書

皇極經世觀物外篇釋義目錄

卷之一

論皇極起數之原致用之法

卷之二

論河洛之圖易象之理

卷之三

論太極之本天象地理物數之原

卷之四

論人事之數